

Inersimasunik ilinniartitsisarneq pillugu Namminersornerullutik Oqartussat nalunaarutaat nr. 25, 7. december 2000-imeersoq

Inuussutissarsiutinik ilinniartitsinerit aamma inuussutissarsiutinik pikkorissartitsinerit pillugit Inatsisartut peqqussutaanni nr. 2-mi 31. maj 1999-imeersumi § 4, imm. 2, § 7, imm. 1, § 8, imm. 4, § 12, imm. 2 aamma § 46 tunngavigalugit aalajangersarneqarput:

Inersimasunik ilinniartitsisarneq

§ 1. Inuussutissarsiutinut tunngaviumik ilinniartitaanerit iluanni qitiusumik ilinniartitaanernut ataatsimiititaliat Ilinniartitaanermut Pisortaqaarfiup akuersineratigut aalajangiisinnaapput inunnik ilinniagaqarnermikkut imaluunniit suliffeqarnikkut immikkut tunngavissaqartunik inersimasunut ilinniartitsineq pilersinneqassasoq.

Tiguneqarneq

§ 2. Qinnuteqartoq 30-nik ukioqalereersimasuussaaq, inuussutissarsiornermullu tunngasutigut naleqquttunik misilittagaqartuussalluni sivikinnerpaamik ukiuni pingasuni piffissaq tamaat sulisarnikkut misilittakkanut imaluunniit inuussutissarsiornikkut sivikinnerpaamik ukiuni sisamani piffissaq tamaat sulisarnikkut misilittakkanut naapertuuttunik. Inersimasunik ilinniartitsineq aallartinneqarsinnaassappat qinnuteqartut suliassaqaarfimmi tassani suliffeqaarfimmut akuerisaasumut ilinniartuunissaq pillugu isumaqatigiissuteqarsimassapput.

Imm. 2. Tiguneqarnissamut ilinniartuunissarlu pillugu isumaqatigiissuteqarnissamut tunngaviuvoq qinnuteqartoq ilinniarfiup naliliinera malillugu piffissap ilinniarfiusussap iluani ilinniarfimmi atuartitaanermik naammassinnissinnaasutut isigineqartoq, pisariaqarpat atuartitsinerup ilaanut ilaanginnissamik akuerineqarnerup kingorna.

Imm. 3. Pisuni immikkut ittuni imm. 1-imi ukioqqortussusissamik sulisimanissamillu piumasaqaatit atuutsinneqannginnissaat qitiusumik ilinniartitaanernut ataatsimiititaliat immikkut akuersissutigisinnaavaat.

§ 3. Qinnuteqartunik tigooraaneq qitiusumik ilinniarfimmit ilinniartitaanermik neqerooruteqartumit isumagineqassaq.

Sivisussusia ilusilersugaaneralu

§ 4. Suliamut pineqartumut qitiusumik ilinniartitaanermut ataatsimiititaliap inersimasunik ilinniartitsinerup ilusilersugaanera sivisussusialu aalajangersassavaa, ilinniartup suliatigut minnerpaamik inuusuttut ilinniartup pisinnaasassaanik pisinnaasaqalernissaa, taamalu

soraarummeernermi/misilitsinnermi (svendeprove) angusaqarsinnaaneranut tunngaviusunik pisinnaasaqalernissaa isiginiarlugu.

Imm. 2. Qitiusumik ilinniarfiup, ilinniartup mesterillu suleqatigiillutik ilinniarnermi ingerlanissaat aalajangersarsinnaavaat, taannalu ilinniartitaanermut ataatsimiititaliamut susassaqtumut akuerisassanngortillugu saqqummiunneqartassaaq.

Imm. 3. Ilinniartitsinerit ataasiakkaat ingerlaneriniq naliliinermi siusinnerusukkut ilinniagarisimasaq suliffigisimasarlu sapinngisamik annertunerpaamik isiginiarneqartassapput, taamaattorli ilinniagaqarsimanerinnaq sulisimanerinnarlu ilinniartup massakkut ilinniagaata ilaanut naapertuuttut kisiisa pingaartillugit isiginiarnagit, aammali ilinniagaq tassunga assingusoq inuussutissarsiutinik ilinniartitaanerit avataanniissinnaasoq aamma suliffik tamatumunnga pissusiviusutigut sanilliunneqarsinnaasoq isiginiatigalugit.

§ 5. Inersimasunik ilinniartitsinerit suliffeqarfanni nalinginnaasumik aallarnerneqartarput, tamatumalu kingorna ilinniarfimmil ilinniartitsineq sulinermillu ingerlatsineq paarlagaanqartassallutik.

Ilinniartup suliffeqarfiullu inatsisitigut inissisimanagerat

§ 6. Sulinermik ingerlatsineq atuarnermillu ingerlatsineq sulisitsisut inuussutissarsiutinik ilinniartitsinernut akileeqataassutigisartagaat pillugit Inatsisartut inatsisaanni pineqartunut ilaatinneqanngillat. Taamaattumik inuussutissarsiutinik ilinniartitsinerit aamma inuussutissarsiutinik pikkorissartitsinerit pillugit Inatsisartut peqqussutaanni § 36 ilinniartunut inersimasunut sunniuteqanngilaq.

Imm. 2. Ilinniartunut inersimasunut ilinniarfimmittunut sulinikkut akissarsianut annaasanut taarsiissuteqartoqartassaaq, inuussutissarsiutinik pikkorissartitsinerit pillugit malittarisassat tunngavigalugit, kiisalu ilinniarfimmil ilinniarfimiillu angalanermut aningaasartuutit aamma ilinniarfimmiiinnerup nalaani ilinniartut illoqarfimmil ilinniartitsinerup ingerlanneqarfiani najugaqanngitsut najugaqarnerat akilerneqartassapput.

Imm. 3. Ilinniartut sulinermik ingerlatsinermi suliffeqarfimmit akissarsiaqartinneqartassapput.

Atortuulersitsineq

§ 7. Nalunaarut manna 1. august 2000 aallarnerfigalugu atortuulersinneqarpoq.

Namminersornerullutik Oqartussat, ulloq 7. december 2000.

